



ÚTI Í MÝRI



In the Moorland



Undur í norðri
Norraena húsið

Nordic Wonders
The Nordic House



11. – 14. október 2018



Alþjóðleg barna- og
unglingabókmenntahátíð
í Reykjavík

mýrin
www.myrin.is

International Children's
and Youth Literature
Festival in Reykjavík

- D A G S K R Á -

ÚTI Í MÝRI


“Undur í norðri”

ALÞJÓÐLEG BARNNA- OG UNGLINGA- BÓKMENNTAHÁTÍÐ Í REYKJAVÍK

FIMMTUDAGUR 11. OKTÓBER
FÖSTUDAGUR 12. OKTÓBER
LAUGARDAGUR 13. OKTÓBER
SUNNUDAGUR 14. OKTÓBER

Skólahópadagskrá og opnun
Málþing
Myndlistarsmiðjur, fyrirlestur og viðburðir
Heiðursgestadagskrá og húllumhæ!

Skráningar berist á netfangið myrinfestival@gmail.com fyrir 8. október 2018
Allir viðburðir fyrir börn eru ókeypis



Fimmtudagur 11. október

UPPLESTRAR OG VINNUSTOFUR fyrir skólahópa

09:15 - 10:00 | **SAGNAFLÓÐ**

Furðufuglar og fjörkálfar! Skemmtilegur bræðingur tveggja gáskafullra höfunda, þeirra **Hjörleifs Hjartarsonar** og **Pórdísar Gísladóttur**, sem eitt sinn voru og verða jafnvel alltaf í hjarta sínu unglingar og grallarasþóar. Náttúran er allt í kring um okkur ... og í okkur! Hvað gerist þegar hormónarnir taka völdin? Geta fuglar orðið unglingaveikir?

Fyrirlestrasalur | Á íslensku | Skráning fyrir skólahópa | Frá 12 ára

09:15 - 10:00 | **SAGNAFLÓÐ OG VINNUSTOFA**

Upplestur og vinnustofa með **Rán Flygenring** sem myndskreytir bókina *Ótrúleg ævintýri Brjálinu Hansen*. Hittið Brjálinu fyrir í konungdæmi hennar Brjálivíu þar sem hún býr ásamt tveimur skjaldbököm og borðar morgunmat í öll mál innan um óteljandi pottaplöntur. Reyndu þig við að teikna fröken Hansen og heillandi heim hennar!

Barnabókasafn | Á íslensku | Skráning fyrir skólahópa | 10-12 ára

09:15 - 10:00 | **SAGNAFLÓÐ OG LEIKUR**


Þegar köttur og mús hittast getur margt farið úrskeiðis. Stundum geta hlutirnir hins vegar farið á besta veg, sérstaklega þegar heimaprjónaðir hattar og stórkostlegar uppfinningar koma við sögu. Danski mynd- og rithöfundurinn **Rasmus Bregnhøi** les og leikur sér að orðum og myndum.

Blackbox | Á dönsku / íslensk túlkun | Skráning fyrir skólahópa | 10-12 ára

10:10 - 11:00 | **SAGNAFLÓÐ OG SPJALL**

Peter Madsen, höfundur dönsku teiknimyndaseríunnar *Goðheimar (Valhalla)* býður okkur að stíga inn í myndríkan og skemmtilegan ævintýraheim sinn, innblásnum af norrænu goðafræðinni. Fáðu að heyra hvernig *Goðheimar* urðu til og spurðu höfundinn spjörunum úr.

Fyrirlestrasalur | Á ensku | Skráning fyrir skólahópa | 12-15 ára



10:10 - 11:00 | VINNUSTOFA

Krummalingur fer á kreik! Komdu á flug með höfundum bókarinnar *Kvæðið um Krummaling*, þeim **Aðalsteini Ásberg Sigurðssyni** og **Höгна Sigurþórssyni** og taktu þátt í ljóðasmiðju og grímugerð.

Barnabókasafn | Á íslensku | Skráning fyrir skólahópa | 8-9 ára

10:10 - 11:00 | VINNUSTOFA

Vinnustofa með ... vélmenni! Og ekki bara hvaða vélmenni sem er heldur vélmenni með sérstaka hæfileika til að teikna stórkostleg dýr! Teiknaðu mynd og mataðu vélmennið á henni. Útkoman gæti orðið mjög forvitnileg. Með myndhöfundinum **Jenny Lucander** frá Finnlandi.

Blackbox | Á sænsku / íslensk túlkun | Skráning fyrir skólahópa | 8-9 ára

11:10 - 12:00 | SAGNAFLÓÐ

Unglingsstúlkur sem sjá hluti sem enginn annar sér, morð og dularfullir atburðir sem tengjast goðsagnakenndum heimum. Stúlka sem er frábrugðin öðrum í kringum sig og þarf að leggja á flóttu til að halda lífi. Höfundarnir **Malene Sølvsten** frá Danmörku, **Siri Pettersen** frá Noregi og **Ragnheiður Eyjólfsdóttir** lesa upp úr æsispennandi bókum sínum. Í samstarfi við Bókaráð Hagaskóla.

Fyrirlestrasalur | Á íslensku, dönsku og ensku | Skráning fyrir skólahópa | 13-15 ára

11:10 - 12:00 | SAGNAFLÓÐ OG VINNUSTOFA

Sænski rit- og myndhöfundurinn **Anna Höglund** fer með þig í ferðalag inn í ævintýraheima þar sem óhugnanlegur risi og hugrökk stúlka með regnhlíf og spegil koma við sögu. Hvað heldur þú að verði um þau? Segðu sögu þeirra og teiknaðu með aðstoð Önnu.

Barnabókasafn | Á sænsku / íslensk túlkun | Skráning fyrir skólahópa | 5-7 ára

11:10 - 12:00 | VINNUSTOFA

Skrímslavinnustofa - Litla skrímslið og stóra skrímslið eru löngu orðin þekkt meðal lesenda á öllum aldri. Lærðu að búa til þitt eigið skrímsli undir stjórn **Áslaugar Jónsdóttur**, myndhöfundar bókanna um litla skrímslið og stóra skrímslið.

Blackbox | Á íslensku | Skráning fyrir skólahópa | 5-7 ára

12:30 - 13:20 | VINNUSTOFA

Ásamt höfundum bókarinnar *Kort*, þeim **Daniel** og **Aleksöndru Mizieliński** frá Póllandi, ætlum við að búa til stórt kort af Íslandi. Hvar eigum við að staðsetja bæi, borgir og dýr? Teiknaðu, veldu stað á kortinu og leggðu Ísland að fótum þér.

Fyrirlestrasalur | Á pólsku og ensku / íslensk túlkun | Skráning fyrir skólahópa | 8-9 ára

13:00 - 14:15 | SAGNAFLÓÐ OG VINNUSTOFA

Stúlku rekur um heimsins höf á fleka. Skyndilega kemur hún auga á skilti sem á stendur: "Eyja hamingjunnar". Hins vegar eru margar eyjur í hafinu, hvernig getur hún fundið réttu eyjuna? Á hvernig eyju myndir þú vilja búa? Upplestur og vinnustofa með hinni hollensk/sænsku **Marit Törnqvist**.

Blackbox | Á sænsku / íslensk túlkun | Skráning fyrir skólahópa | 6-10 ára

13:30 - 14:45 | SAGNAFLÓÐ OG VINNUSTOFA


Við fylgjum Bangsapabba eftir í leit hans að Bangsa litla, um borg og bý, úti á sjó og ofan í sjó. Finnur þú Bangsa litla á hverri opnu? Þessi heillandi saga eftir franska höfundinn **Benjamin Chaud** verður lesin á frönsku. Að lestri loknum mun höfundurinn aðstoða þig við að gera þína eigin bók! Í samstarfi við Alliance Française.

Barnabókasafn | Á frönsku / íslensk túlkun | Skráning fyrir skólahópa | 6-11 ára

10:00 - 18:00 | BARNABÓKAFLÓÐIÐ

Barnabókaflóðið er ævintýrleg gagnvirk sýning. Sjálfur Miðgarðsormurinn leiðir börn í skapandi ferðalag gegnum sögur og ævintýr. Frekari upplýsingar á s. 11.

Sýningarsalur | Ókeypis



Skráning fyrir skólahópa á myrinfestival@gmail.com
Skráningar fyrir 8. október 2018.

Fimmtudagur 11. október

- O P N U N -

15:30 - 16:00

FYRIRLESTUR

WHY YOU SHOULD PLAY VIDEO GAMES TO MAKE BETTER BOOKS

*A quick dive into the most effective and immersive storytelling techniques
and a way to use them in children's books*

Daniel Mizieliński er pólskur myndhöfundur og háskólakennari í leikjahönnun.
Hann heldur fyrirlestur um leiðir til áhrifaríkrar sögugerðar fyrir börn.

Fyrirlestrasalur | Á ensku | Ókeypis

16:00

HÁTÍÐAROPNUN

Bókasafn


16:10

SÝNINGAROPNUN

Sýningin "Dýr sem enginn hefur séð annar en við" er byggð á barnabók með sama nafni eftir **Ulf Stark** (SE) með teikningum **Lindu Bondestam** (FI).

Á sýningunni má sjá upphaflegar myndir hennar. Stór jafnt sem minni málverk sem saman mynda ævintýrlegan undraheim sem ekkert okkar hefur áður séð. Sýningarleiðsögn er í höndum **Mikaelu Wickström** frá Nordic Culture Point í Finnlandi.

Anddyri | Á ensku



Föstudagur 12. október

- MÁLÞING -

Undur í norðri

Fyrirlestrar og pallborðsumræður um strauma og stefnur í barnabókmenntum.

Fyrirlestrasalur | Málþingið fer fram á ensku

Skráning á myrinfestival@gmail.com

Skráningargjald 3.500 kr.

Innifalið í verði eru kaffiveitingar og léttur hádegisverður.

Skráningar fyrir 8. október 2018.

08:30 – 09:00

SKRÁNING OG MORGUNKAFFI

09:00 – 09:10

ÁVARP

Eliza Jean Reid forsetafrú og meðstofnandi Iceland Writers Retreat heldur setningarræðu.

09:10 – 09:20

BARNA- OG UNGLINGABÓKMENNTAVERÐLAUN NORÐURLANDARÁÐS

Sofie Hermansen Eriksdatter, verkefnastjóri skrifstofu Barna- og unglunga-bókmenntaverðlauna Norðurlandaráðs, kynnir verðlaunin og tilgang þeirra.

09:20 – 10:10

ILLSKA, MYRKUR OG HÚMOR - STRAUMAR OG STEFNUR Í NORRÆNUM BARNABÓKMENNTUM

Má fjalla um hvað sem er í barnabókmenntum? Er illska jafn sjálfsagt umfjöllunarefni og fyrsti kossinn eða fótboltamót? Danski rithöfundurinn **Rasmus Bregnhøi** fjallar um teiknimyndasögu sína "Rasmus skrifar norræna barnabók", norska fræðikonan **Kjersti Lersbryggen Mørk** heldur erindi um rannsóknir sínar á umfjöllun um illsku í barnabókmenntum og **Pórdís Gísladóttir** rithöfundur, þýðandi og ljóðskáld ræðir um húmor og háð í bókum sínum.

Stjórnandi: Guðrún Lára Pétursdóttir

10:10 – 10:25

KAFFIHLÉ

10:25 – 11:15

ENDURSKÖPUN MENNINGARARFSINS Í NORRÆNUM BARNA- OG UNGMENNABÓKUM

Málstofa um hvernig menningararfurinn og norræn goðafræði geta verið barna- og ungmennabókahöfundum innblástur í dag. **Ármann Jakobsson** (IS), **Malene Sølvsten** (DK), **Peter Madsen** (DK), **Ragnheiður Eyjólfsdóttir** (IS) og **Siri Pettersen** (NO) segja frá bókum sínum og Dr. **Janina Orlov** (SE/FI) fjallar um birtingarmyndir goðsagna og náttúrulýsinga frá finnska-sænsku sjónarhorni.

Stjórnandi: Kristín Ragna Gunnarsdóttir

11:15 – 12:05

NÁTTÚRA Í NORÐRI - VISTRÝNI Í BARNABÓKMENNTUM

Eiga málefni þau sem efst eru á baugi í samfélaginu hverju sinni að rata inn í barnabækur nútímans? Eru loftslagsbreytingar og þær ógnir sem steðja að umhverfinu í kjölfar þeirra, til umfjöllunar í barnabókum? **Dagný Kristjánsdóttir** prófessor í íslenskum nútíma-bókmenntum heldur erindi og tekur þátt í umræðum ásamt þeim **Kristínu Helgu Gunnarsdóttur**, **Aðalsteini Ásberg Sigurðssyni** og **Hjörleifi Hjartarsyni**.

Stjórnandi: Margrét Tryggvadóttir

12:05 – 12:15

TILKYNNT UM VERÐLAUNAHAFNA BARNABÓKMENNTAVERÐLAUNA VESTNORRÆNA RÁÐSINS 2018

12:15 – 12:45

HÁDEGISVERÐUR

12:45 – 13:15

VÅR VÄN ULF OCH VI - FYRIRLESTUR UM SÆNSKA RITHÖFUNDINN ULF STARK

Ulf Stark (1944-2017) var einn fremsti barna- og ungmennabókahöfundur seinni tíma í Svíþjóð. Eftirlifandi eiginkona hans, fræðikonan og þýðandinn **Janina Orlov** og mynd- og rithöfundurinn **Anna Höglund** sem myndskreytti margar af bókum Ulf, segja frá ævi hans og störfum.

13:15 – 14:00

LESTRARHVATNING: GÓÐAR AÐFERÐIR OG NÝJAR HUGMYNDR

Málstofa um lestrarhvetjandi verkefni af ýmsum toga á Íslandi. Hvernig hvert og eitt þeirra vinnur að sama markmiði: Að auka áhuga á lestri á meðal barna og ungmenna. Hvað virkar og af hverju? Er munur á lestrarhvatningu eftir því hvort henni er stýrt af einkaaðilum eða stjórnvöldum? Þátttakendur eru **Ævar Þór Benediktsson** (Lestraráttak Ævars vísindamanns), **Hólmfríður Ólöf Ólafsdóttir** (Sögur) and **Marloes Robijn** (Lestrarvinir).

Stjórnandi: Arndís Þórarinsdóttir

14:00 – 14:15

KAFFIHLÉ

14:15 – 15:05

AÐ TÝNAST OG FINNAST Í MYNDUM. MYNDVERÖLD NÚTÍMABARNA

Börn í dag alast upp í mjög sjónrænum heimi. Fá þau að sjá það myndefni sem þeim hentar best og sem örvar þau og þroskar? Heim sem býður upp á ferðalög um ókunnar ævintýralendur og uppgötvun eigin sjálfsmyndar? Sex myndhöfundar segja álit sitt og taka þátt í umræðum. **Benjamin Chaud** (FR), **Jenny Lucander** (FI), **Rán Flygenring** (IS), **Anna Höglund** (SE), **Högni Sigurþórsson** (IS) og **Daniel Mizieliński** (PL).

Stjórnandi: Ragnheiður Gestsdóttir

15:05 – 15:50

BARNABÓKIN SEM BRÚ MILLI ÓLÍKRA MENNINGARHEIMA

Geta bækur veitt skjól þar sem ekkert slíkt er að finna og byggt brýr milli ólíkra menningarheima? Rit- og myndhöfundurinn **Marit Törnqvist** (NL/SE) segir frá störfum sínum með flóttabörnum og rithöfundurinn **Kristín Helga Gunnarsdóttir** (IS) fjallar um bók sína *Vertu ósýnilegur - Flóttasaga Ishmaels*, þar sem sögð er saga drengs á flótta sem hafnar á Íslandi.

Stjórnandi: Helga Ferdinandsdóttir

10:00 - 18:00 | **DJUR SOM INGEN SETT UTOM VI**


Listasýning | Dýr sem enginn hefur séð annar en við | Frekari upplýsingar á s. 11.

Anddyri | Ókeypis

14:00 - 18:00 | **BARNABÓKAFLÓÐIÐ**

Barnabókaflóðið er ævintýrleg gagnvirk sýning. Sjálfur Miðgarðsormurinn leiðir börn í skapandi ferðalag gegnum sögur og ævintýr | Frekari upplýsingar á s. 11.

Sýningarsalur | Ókeypis



Laugardagur 13. október

MYNDLISTARSMIÐJUR, FYRIRLESTUR OG VIÐBURÐIR

10:00 - 11:30 | SAGNAFLÓÐ OG VINNUSTOFA

Marit Törnqvist (NL/SE) hefur myndskreytt margar af bókum Astrid Lindgren, meðal annars bókina *Suðurengi* sem hún mun lesa. Um miðjan vetur elta tvö börn fallegan rauðan fugl inn í skóginn. Fuglinn flytur þau inn í dulin heim fullan af blómum, pönnukökum og hamingjusömum börnum. Í þessari vinnustofu sköpum við ævintýrafugla í öllum litum regnbogans. Hvert vilt þú að fuglarnir fljúgi með þig?

Barnabókasafn | Á sænsku / íslensk túlkun | Skráning fyrir 11. október | 7-11 ára

10:00 - 11:30 | VINNUSTOFA

Nú hefur þú tækifæri til að taka þátt í alvöru sýningu og sjá þitt eigið verk uppi á vegg! Í þessari vinnustofu verður einn veggurinn á sýningunni Barnabókaflóðið, skreyttur með verkum eftir börn sem taka þátt í vinnusmiðjunni undir leiðsögn **Jenny Lucander** frá Finnlandi.

Sýningarsalur | Á sænsku / íslensk túlkun | Skráning fyrir 11. október | 6-12 ára

11:00 - 11:45 | SAGNAFLÓÐ OG SPJALL

Bækur **Áslaugar Jónsdóttur** rithöfundar og myndlistarmanns og bækur **Kristínar Helgu Gunnarsdóttur** rithöfundar hafa fyrir löngu fundið sér leið inn í hug og hjörtu fjölmargra Íslendinga. Í ár eru þær báðar tilnefndar til **Barna og unglingabókmenntaverðlauna Norðurlandaráðs** og munu lesa úr og fjalla um bækur sínar. Bók Kristínar Helgu er *Vertu ósýnilegur - flóttasaga Ishmaels* og frá Áslaugu kemur bókin *Skrímsli í vanda* sem hún skrifar í samvinnu við Kalle Güttler og Rakel Helmsdal. **Snæbjörn Brynjarsson** rithöfundur stýrir spjalli.

Fyrirlestrasalur | Á íslensku | Allur aldur

12:00 - 13:00 | DÝRAFIMI OG LJÓÐANUDD

Ertu í stuði fyrir fimleika með dýrunum úr bókinni *Dýr sem enginn hefur séð annar en við?* Getur þú stappað niður fótunum eins og Bombom? Reynt að fljúga eins og Dagling eða hoppa eins og Hoppelig? Eftir smá upphitun er kominn tími á ljóðanudd þar sem börn og foreldrar nudda hvert annað við hljóð og takt dýraljóðanna. Stjórnandi er **Mikaela Wickström**.

*Blackbox | Á sænsku / íslensk túlkun | Skráning fyrir 11. október |
Frá 4 ára í fylgd forráðamanns*

12:30 - 13:00 | FYRIRLESTUR

HVERS VEGNA LESENDUR FANTASÍA MUNU BJARGA HEIMINUM - **Siri Pettersen** er höfundur þrileiksins *Ravneringene*, sem ætlaður er unglingum. Þriðja bókin kom út árið 2015 en persónur bókanna lifa góðu lífi í myndverkum aðdáenda þeirra. Í mjög svo áhugaverðum og skemmtilegum fyrirlestri mun Siri útskýra hvernig heimur fantasíunnar endurspeglar okkar heim. Hrós í garð, oft á tíðum, misskilinna bókmennta.

Fyrirlestrasalur | Á ensku | Allur aldur frá 13+

13:15 - 14:00 | MÁLSTOFA

DEIGLAN - ÍSLENSKAR BARNABÆKUR Í DAG OG Á MORGUN - Staðan í útgáfumálum á íslenskum barnabókum? Hvaða barnabækur koma út í íslenskri þýðingu? Hvað munu íslensk börn lesa í framtíðinni? Þátttakendur: **Þórdís Gísladóttir** rithöfundur, **Þorgerður Agla Magnúsdóttir** (Angústúra), **Marta Hlín Magnadóttir** (Bókabeitan), **Sigríður Kristjana Ingimarsdóttir** (MA í ritstjórn og útgáfu) og **fulltrúar frá bókaráði Hagaskóla**. Stjórnandi er **Linda Ólafsdóttir** teiknari.

Fyrirlestrasalur | Á íslensku

13:30 - 14:30 | FURÐUFUGLASKOÐUN

Spéfuglarnir **Hjörleifur Hjartarson** og **Rán Flygenring** draga þátttakendur niður í barnabókadeild að föndra og út um víðan völl í Vatnsmýrinni, í leitinni að hinum eina sanna furðufugli og félögum hans. Gæsir, endur og álfir gætu orðið á vegi þátttakenda og alveg örugglega töluvert af gæsaskít.

Barnabókasafn og gróðurhúsið | Á íslensku | Skráning fyrir 11. október | Allur aldur

14:10 - 14:30 | BARNABÓKAFLÓÐIÐ | SÝNINGARLEIÐSÖGN

Leiðsögn um sýninguna með **Kristínu Rögnu Gunnarsdóttur** listrænum stjórnanda hennar. Frekari upplýsingar á s. 11.

Sýningarsalur | Á íslensku | Allur aldur

15:00 - 15:45 | TÓNLIST OG TEIKNUN

Einstakur viðburður með myndhöfundinum **Benjamin Chaud** frá Frakklandi. Chaud er þekktur fyrir bækur sínar um Bangsa litla. Gestir munu fá innsýn í hvernig sögur hans verða til á sama tíma og hann teiknar ný ævintýri við undirleik tónskáldsins **Kira Kira**.

Fyrirlestrasalur | Ókeypis | Allur aldur

Skráning á myrinfestival@gmail.com
Skráningar fyrir 11. október 2018.

10:00 - 17:00 | DJUR SOM INGEN SETT UTOM VI

Sýningin **DÝR SEM ENGINN HEFUR SÉÐ ANNAR EN VIÐ** er byggð á barnabók með sama nafni eftir **Ulf Stark** (SE) með teikningum **Lindu Bondestam** (FI). Á sýningunni má sjá upphaflegar myndir hennar sem saman mynda ævintýrlegan undraheim sem ekkert okkar hefur áður séð. Í ljóðunum og myndunum hittum við fyrir dýr á borð við Bombomen, Gulalan og Biðdýrin. Særisann sem grípur sólina við sólarlag og sýnir fiskunum á hafsbotni hana. Við hittum fyrir Quinelluna sem á einn vin, tvíburabróður sem birtist henni á sléttum vatnsfletinum.

Sýningin er í eigu *Nordic Culture Point* í Finnlandi og er framleidd af *Bildmuseet* í Umeå í Svíþjóð.

Sýningaropnun með leiðsögn fer fram 11. október kl. 16.

Sýningin er opin frá 9. október til 1. nóvember á opnunartímum Norræna hússins.


Anddyri | Ókeypis

14:00 - 17:00 | BARNABÓKAFLÓÐIÐ

BARNABÓKAFLÓÐIÐ er ævintýrleg gagnvirk sýning fyrir börn á aldrinum 5-11 ára. Sjálfur Miðgarðsormurinn leiðir börn í skapandi ferðalag úr einu rými í annað. Ljóð og sögur byggja brýr milli áfangastaða og ferðalagar búa sér til vegabréf sem þeir stimpla í á hverjum viðkomustað. Þú getur siglt á vit ævintýranna á Barnabókaflóðinu, skapað nýjar sögur og persónur, skriðið inn í Bókafjallið, skapað ljóð í Ljóðahellinum, sent skilaboð með flöskuskeyti og leitað gersema á eyju langt langt í burtu. Lestu og hlustaðu á sögur, teiknaðu og uppgötvaðu!

Listrænn stjórnandi sýningarinnar er **Kristín Ragna Gunnarsdóttir** rithöfundur og teiknari. Sýningin er framleidd af Norræna húsinu og er opin út apríl 2019.

Sýningarsalur | Ókeypis





Sunnudagur 14. október

HEIÐURSGESTADAGSKRÁ OG HÚLLUMHÆ!

10:00 - 17:00 | DJUR SOM INGEN SETT UTOM VI

Listasýning | Dýr sem enginn hefur séð annar en við | Frekari upplýsingar á s. 11.

Anddyri | Ókeypis

10:00 - 17:00 | BARNABÓKAFLÓÐIÐ

Barnabókaflóðið er ævintýrleg gagnvirk sýning. Sjálfur Miðgarðsormurinn leiðir börn í skapandi ferðalag gegnum sögur og ævintýr. | Frekari upplýsingar á s. 11.

Sýningarsalur | Ókeypis

13:30 - 15:30 | GEIMVINNUSTOFA

BÚUM TIL NÝ STJÖRNUMERKI með **Sævari Helga Bragasyni** (Stjörnu-Sævari). Í vinnusmiðjunni ætlum við að horfa til himins og skoða stjörnurnar. Í öllum samfélögum hafa sögur verið spunnar út frá mynstrunum sem fólk sá á himninum og sumar lifa enn. Í smiðjunni ætlum við að búa til okkar eigin stjörnumerki og semja um þau sögur og teikna myndir af þeim.

Sýningarsalur | Á íslensku | Skráning fyrir 11. október | 5 ára og eldri

13:30 - 15:30 | HEIÐURSGESTADAGSKRÁ

BÓK Í HÖND - OG ÞÉR HALDA ENGIN BÖND

Dagskrá til heiðurs mynd- og rithöfundunum **Sigrúnu** og **Þórarni Eldjárn**.

Margrét Tryggvadóttir bókmenntafræðingur spjallar við Sigrúnu og Þórarin og fær með sér góða gesti, þau **Aðalstein Ásberg Sigurðsson** og **Áslaugu Jónsdóttur**, til að ræða höfundarverk þeirra og feril.



| LIFANDI TÓNLIST

Ragnheiður Gröndal og **Guðmundur Pétursson** flytja ljúfa tóna við texta Þórarins Eldjárns.

Fyrirlestrasalur | Á íslensku | Allir velkomnir